

L'usignûl

La cjantose galandine
l'usignûl la fas sinti,
vie pe gnòt dongje matine
fin tal prin cucà dal dì.

Finalore che 'l soreli
al vèn fûr cul sò cimià,
biel lusint e cence veli
dut il mont al fâs sveà.

L'usignûl al si cidine
e cujet si met polsà,
sui baraz e in sordine
spietant l'ore di cjantà.

Juste l'ore jè rivade
il soreli al vâ a durmì,

Poesie e Racconti Friulani

e di gnûf la sò cjantade
al scomenze a fà sinti.

La graziose melodie
tant invoe di scoltà,
che fâs buine companie
cence tassis di pajà.